

Pɔɔlo ɔwole Nyɔse
 ɔbono ɔ ɲmarase Bunge
 Timoti Mɔ

¹ Me Pɔɔlo ne n kya ɲmarase gɛnen ɔwole baare mi-i sa fo. Wurubuaare gi lee gibaa yii me yee n' wɔra Kirisito Yesu ɔsɔɔ de n' tɔge asa ilaa ibono ɔ ka yela sa ɔmɔ mɔ. ɔ ka yela yee asa abono mɔmɔ-rɛ Kirisito Yesu me wɔra nyamesɛ kolon mɔ me laa nye Wurubuaare ase gɛkyena.

² N kya wɔra ɔwole baare n kya sa fo, Timoti, fo ɔbono fo baa bingiri fɛɛ me-bi korogɛsɛ mɔ. Fo-ilaa i bo me-gisen dɔ. Aye-sɛ Wurubuaare de aye-Wura Kirisito Yesu me' sa fo so gɛwɔnsa dɛnsɛ, me' su fo so, de me' sa fo gisen yuuli.

³ Owi kamaasɛ dɔ mɔ, n kya nyingi fo so gɛdalaa dɔ. N kya faala Wurubuaare mi-i sa fo gɛnyɛ de gɛpɛ. N kya dalaa gɛnen mɔ, n nyi me-gisen dɔ yee n dɛ gisen dɛnsɛ mi-i son Wurubuaare, fɛɛ gɛnɔɔbono me-naanaana me son mɔ. ⁴ N kya nyingi owi ɔbono fo naa kyena gbaa ginsikyu mɔ de-e, i kya yɛgɛ n' nyingi fo so. N kya laare de a' kii nye wu abara de i' tansi wɔra me ɔkon. ⁵ Owi kamaasɛ mɔ, n kya nyingi gɛnɔɔbono fo kya ka gyan Yesu so lii fo-gisen dɔ mɔ. Gɛnen kee ne fo-naana kyiise, Loowisi, de fo-nyi, Yunisi, me ka gyan mɔ so ne. N nyi yee gɛnen gikagyan gibono ɔnan kee ne n bo fo dɔ faa.

Lee Wura Yesu ɔkalan Mɔ Tɔge Sa Asa De Foɲ' Selɛ ɔlaawusɛ

⁶ Ne naa kyena kyu me-abaa gyan fo so kole Wu-rubuaare Oduduu sa fo. Gɛsintin mɔ, Wurubuaare gi sa fo adawo ako de fo' kyu wɔra mɔ-gɛsun. Imɔso n kya

nyingi fo yEE fo' loꝛo ogya woꝛa gEnen adawo abono do. ⁷ Oduduu obono Wurubuaare gi kyu sa aye mo meŋ kya yege a' bingiri afuubo. Mo-Oduduu mo kya yege a' nye daa olon, a' nye gelaare' aye-asen do, de a' nye taale keda aye-nyoro. ⁸ Imoso geŋ sa fo' yege i' woꝛa fo ipeeli yEE fo laa lee aye-Wura Yesu ilaa nyiile asa. Geŋ yege me- ilaa i' woꝛa fo ipeeli kee yEE me keda me tii de obu lii Yesu gesun mo so. Nye gisen de fo' soꝛo fo-lee olaawuse obono o laa tu fo kyu lii Yesu okalan konkonse mo so mo. Wurubuaare laa sa fo olon.

⁹ Wurubuaare gi molege aye lii aye-ilaa nyenyen giwoꝛa do, ne o toge aye yEE a' loꝛo aye-nyoro yela sa mo-nkon. In gyE aye-ilaa woꝛase so ne Wurubuaare gi molege aye gEnen. I gyE daa mo gbaa-gbaa gelaare de mo-gewonsa dense gebono o bo sa aye mo so. Pei de o' loꝛo lee ilaa kamaase mo, o wolaa sa aye so gewonsa dense gedE kyu lii aye-re Kirisito Yesu ginyamese kolon mo so. ¹⁰ Ide kon, o yege gEnen mo-gewonsa gebono ge lii gewi. I lii fee aye-omolegebo Kirisito Yesu gi ba gesinkpan so. Ne o moꝛo lewu giboro. O lee Wurubuaare ase gekyena gebono geŋ bo okara mo gewi nyiile asa kyu naa de mo-okalan konkonse mo so. ¹¹ Yesu Kirisito gi kyu mo-gesun woꝛa me-abaa do yEE me kee n' woꝛa gEnen okalan mo otogebo. Okalan mo so mo, ne woꝛa Kirisito Yesu soꝛo, ne n' kya nyiile asa okalan mo ilaa. ¹² GEnen okalan mo so ne n' kya yiyEE faa. Imo-re imo gEnen gbaa mo, in bo me ipeeli. I lii fee n nyi obono ne ka gyan mo so mo, ne n nyi ibono o bo lon de o' taale kere ilaa ibono o kyu woꝛa me-abaa do mo so kpaa fo gekE gebono o laa gyi anyamese pewu nbele mo.

¹³ Ilaa ibono ne nyiile fo kyu lii Yesu okalan mo so mo i gyE gesintin. Keda imo do de fo' kyu imo nyiile asa. Kpe fo kya ka gyan Wurubuaare so de fo' laare Wurubuaare de

anyamese ilaa kyu naa de fo-re Kirisito Yesu ginyamese kolon mo so. ¹⁴ Yegge Wurubuaare Oduduu obono o bo aye-asen do mo o' kpaaf de fo' kerere agyebi dense abono Wurubuaare gi kyu wora fo-abaa do mo so.

¹⁵ Fee genobono fo nyi mo, aye-nanboana abono pewu me lii Esiya gesinkpan so mo me yaase taa me yegge. Mom do ako ne n gye Figyilo de Hemogyine. ¹⁶ Onesiforo bere, Wura Yesu o' su mo-re mo-geten do awura so sa me. I lii fee o kya kyena yegge me-gisen gi kya toro me. In bo mo ipeeli yee n tii de obu. ¹⁷ Mo bere, o kpe loo Rom gere mo, o pereere ansi laare me-geten, ne o baa wu me. ¹⁸ Wurubuaare o' yegge aye-Wura Yesu o' su mo so gekaabono Yesu laa gyi anyamese nbela mo. Genobono o kpaaf me Efiso osowole so mo, in gye fo gisafo. Fo nyi imo pewu.

2

Da Gikan Wora Yesu Gesun Mo De Fo' Nyi Imo-Nteela

¹ Me-bi, Kirisito Yesu kya sa fo so gewansa dense. Imoso keda fo-nyoro wora mo-gesun. ² Ilaa ibono ne nyiile fo ne asa sakyoo me kya lee me-geno yee i gye gesintin mo, fo kee, kyu imo nyiile ako. Kerere daa asa abono me kya gyi gesintin ne me laa bii nyiile asa banban mo de fo' kyu genen ilaa nyiilese ibono wora momo-abaa do kee.

³ Sofo-lee olaawuse obono o laa tu fo Kirisito Yesu onon mo so mo fee sogya dense. ⁴ Sogya bere men kya yegge ilaa ibono i men gye asogyaana ilaa mo i' biide mo lii mo-gesun do. o kya laare daa de o' nyi gye mo-obelense ginsi. Fo kee laare genobono fo laa gyi Kirisito Yesu ginsi mo. ⁵ Fo kya wora Yesu gesun mo, wora daa fee asa abono me kya sele onangya de me' kerere obono o laa daa asense mo. Oselebo kamaase nyi yee ba-a o

gyangbara ne ɔ mɛɲ gyi gisele mɔ nbara so mɔ, ɔ maɲ nyɛ gɛgyangbara afaala. ⁶ Yesu gɛsun mɔ dɔ mɔ, wɔra fɛɛ dɔɔbo ɔbono ɔ kya pɛɛɛ ansi wɔra gɛsun mɔ. Mɔ ne n kya daa gigyi agyudɔ gyangbarasɛ. ⁷ Sa ilaa ibono n kya tɔgɛ fo faa so gɛwɔnsa. Wura Yesu laa yɛgɛ fo' nu imɔ ikamaasɛ gɛsɛ.

⁸ Kyu fo-gɛwɔnsa gyan Yesu Kirisito so. Wurubuaarɛ gi kyingi mɔ lii ibuni dɔ. ɔ gyɛ Oloobu Deefidi ɔnaanabi fɛɛ gɛnɔɔbono Yesu ɔkalan konkonsɛ ɔbono n kya tɔgɛ mi-i sa asa mɔ kya nyiile mɔ. ⁹ Gɛnen ɔkalan konkonsɛ baarɛ so ne asa mɛ kya kyo me, mɛ kya wɔra me awɔɔɔɔ, ne mɛ wɔra me agbangbaran fɛɛ ilaa nyɛnyɛn ɔwɔrabo ɔko faa. Me ne mɛ nyɛ wɔra agbangbaran. Wurubuaarɛ ɔkalan konkonsɛ mɔ berɛ, mɛ maɲ nyɛ mɔ wɔra agbangbaran kpa-a. ¹⁰ N nyi gɛnen so mɔ, nɛ sɔɔ ɔlaawusɛ kamaasɛ abaa anyɔ de i' kpaasa abono Wurubuaarɛ gi tɔɔsɛ lɛɛ yɛɛ mɛ' son mɔ mɔ. N kya laarɛ mɛ' nyɛ Wurubuaarɛ amɔlɛgɛ de mɛ' nyɛ mɔ asɛ gɛkyena kyu naa de mɔmɔ-rɛ Kirisito Yesu ginyamesɛ kolon mɔ so. Mɛ nyɛ gɛnen amɔlɛgɛ mɔ, mɛ laa nyɛ nyisigyɛ ɔbono ɔɲ bo ɔkara mɔ.

¹¹ I bo gɛdɛ gɛko, gɛ gyɛ gɛdɛ paawɔrasɛ. Gɛmɔ ne n gyɛ yɛɛ:

“Fɛɛ Yesu so ne a nyɛ lɛwu mɔ,
aye-rɛ mɔ kee a laa kyena dabɔlɛ.

¹² Nengyene a wu ɔlaa Yesu so ne a keda nyoro kpaali mɔ,
aye-rɛ mɔ a laa baa gyi gɛwura dabɔlɛ.

Nengyene a kine yɛɛ Yesu mɛɲ gyɛ aye-Wura berɛ mɔ,
mɔ kee laa kine yɛɛ aɲ gyɛ mɔ-asonbo.

¹³ Nengyene a mɛɲ gyi gɛsintin sa mɔ mɔ,
mɔ berɛ laa kpɛ ɔ kya gyi gɛsintin ɔ sa aye.
I lii fɛɛ mɔ berɛ, gɛnɔɔbono ɔ dɛ mɔ,

o maŋ kine yEE iŋ gyE gEnen ne o dE.”

Kyu GEsintin Wōra Wurubuaare GEsun

¹⁴ KpE fo kya nyingi Yesu asonbo gikpen mō gEnen ilaa ibonoana nE tōgE fo faa. Ka sa mōmō Wurubuaare ginyen dō yEE mE mEŋ sa mE' sōō akyōōlE giyan kyu lii agyebi so. GEnen akyōōlE abono aŋ kya kpaā asa gisōōgyi. I laa nyida abono mE kya nu mōmō aSE mō gisōōgyi daa giyan. ¹⁵ PEErE ansi de fo' gyi Wurubuaare ginsi kerE mō-gEsintin agyebi mō dō dandan fo kya lEE amō gESE imō-ōkpa so. Fo wōra mō-gEsun sa mō gEnen mō, fo maŋ gyi ipeeli mō aSE. ¹⁶ Nsingyi nbono giŋ gyE Wurubuaare gElaare ne giŋ kya kpaā asa gisōōgyi mō, gEŋ sa fo' kyu fo-gEnō wōra nmō dō. GEnen nsingyi nbono gi kya gberE asa loo ilaa ibono Wurubuaare mEŋ kya laare asa mE' wōra mō dō daa kii too. ¹⁷ Asa abono mE kya gyi gEnen nsingyi mō ilaa nyiileSE mō i kya kyangE fEE gilōtō nyEnyEn gibono gi kya kyangE mō. Asa abono mE kya nyiile gEnen ilaa nyiileSE ibono mō, mōmō ako ne n gyE Himinayose de Filetuse. ¹⁸ ME taa Wurubuaare gEsintin okalan mō yegE san mE dE daa yEE ibono Wurubuaare dare yEE o laa kyingi asa lii ibuni dō mō, gEnen ilaa ibono i ti wolaa ba kyon. Mōmō gEnen ilaa ibono i kya nyida Yesu asonbo ako gisōōgyi gibono mE sōō Yesu gyi mō. ¹⁹ Imō-rE imō gEnen gbaa mō, Yesu asonbo gikpen mō berE gi san gi yeLE girin. Gi dE fEE obu obono Wurubuaare ne n too mō-gESE o pōōrE, ne o ŋmarase gyan mō so yEE,

“Wurubuaare nyi asa abono mE gyE mō-ade gEsintin mō.”

Ne o kii ŋmarase yEE,

“Isa obono o laa tōgE yEE Wura Yesu ne n gyE mō-Wura mō,

kaase o' taa ilaa nyEnyEn giwōra yegE.”

²⁰ Aye Yesu asonbo gikpen mɔ dɔ asa mɛ dɛ fɛɛ gɛtɛn' belɛ dɔ ilaa kedasɛ. Iko i gyɛ sika kɔkɔɔ, iko i gyɛ isilibaa, iko, mɔ, i gyɛ iyii ne mɛ kyu salɛ imɔ, ne iko, mɔ, i gyɛ gɛbɔlɛ ne mɛ kyu pɔrɔ imɔ. Imɔ dɔ mɔ, iko i gyɛ sa gɛsi gigyi, ne iko, mɔ, i gyɛ sa nkɛ yanyansɛ gikeda.

²¹ Nengyene Yesu asonbo gikpen mɔ dɔ isa gi lɛɛ mɔ-nyoro lii ilaa nyɛnyɛn giwɔra dɔ mɔ, kaasɛ laa wɔra fɛɛ ilaa kedasɛ ibono mɛ kya keda gɛsi gigyi dɔ gɛtɛn' belɛ dɔ mɔ. Aye-Wura Wurubuaarɛ laa lɔrɔ fo gɛnen isa ɔbono yela sa mɔ-nyoro de fo' wɔra nyamesɛ tirisɛ sa mɔ. ɔ laa baala fo yela sa gɛsun dɛnsɛ kamaasɛ giwɔra.

²² Imɔso gɛɲ sa fo' yɛgɛ gidega de gibolonbu ɔbolɛ gɛlaarɛ ilaa i' gyi fo-gimu. Selɛ gɛnen gɛwɔnsa gɛbono. Pɛɛrɛ ansi de fo-gisen dɔ i' nyɛ wɔra ɔdan Wurubuaarɛ ansi so. Ka gyan Yesu so lii fo-gisen dɔ. Laarɛ Yesu de Wurubuaarɛ de anyamesɛ ilaa, de fo' wɔra aniya de fo' bara gisen yuuli asa dɔ. Wɔra fɛɛ asa abono mɔmɔ-asen a fuuli ne mɛ kya saawo terɛ aye-Wura Yesu mɔ.

²³ Akyɔɔlɛ abono ɔlaako ginyi giɲ bo amɔ dɔ ne aɲ bo agyan mɔ, gɛɲ sa fo' ka amɔ gɛnɔ. I lii fɛɛ fo nyi yɛɛ gɛnen akyɔɔlɛ abono a kya bara daa ibiide. ²⁴ Iɲ kaaborɛ Wura Yesu gɛsun ɔwɔrabo ɔ' wɔra isa ɔbono ɔ kya laarɛ ibiide. ɔ' wɔra daa isa ɔbono ɔ kya su ɔkamaasɛ so. ɔ' wɔra onyiilebo dɛnsɛ ɔbono ɔ bo gisen mɔ. ²⁵ Asa abono mɛ kya sɔɔ Wurubuaarɛ gɛsintin ɔkalan mɔ akyɔɔlɛ mɔ, Wura Yesu gɛsun ɔwɔrabo ɔ' lɛɛ ilaa gɛsɛ sa mɔmɔ laakaarɛ so. I lii fɛɛ mɔ-gɛwɔnsa gɛ gyan yɛɛ fonɓii mɔ, Wurubuaarɛ laa kpaa mɔmɔ de mɛ' nu mɔmɔ-nyoro gɛsɛ yɛɛ mɛ fuɛ de mɛ' baa bii gɛsintin ɔkpa mɔ. ²⁶ Mɛ nyɛ nu mɔmɔ-nyoro gɛsɛ gɛnen mɔ, mɛ laa nyɛ mɔmɔ-nyoro lii ilaa nyɛnyɛn pɛwu gɛmu mɔ ɔdoɔ ɔbono ɔ da mɔmɔ mɔ dɔ. Ilaa nyɛnyɛn pɛwu gɛmu mɔ gi penɛ mɔmɔ kyu mɔmɔ wɔra mɔ-gyɔlɔ dɔ ne mɛ san mɛ kya

wɔra daa mɔ-gɛlaarɛ.

3

Nkɛ Laalaalogɛ Mɔ Dɔ Mɔ, Wurubuaarɛ Ilaa I Maɲ Fɛ Ako Giso

¹ Sɔɔ gibui yela yɛɛ gɛsinkpan so gɛkyena nkɛ laalaa-logɛ mɔ dɔ mɔ, i laa wɔra ɔlon gɛsintin sa anyamesɛ. ² I lii fɛɛ anyamesɛ mɛ laa kerɛ daa mɔmɔ wole-lɛɛ so, ne mɛ laa laarɛ daa aterenbi. Mɛ laa nyiile mɔmɔ-nyoro, ne mɛ laa tɔgɛ yɛɛ mɔmɔ-gɛmara mɔ ɔko mɛɲ bo no. Mɛ laa saalɛ asa, ne mɛ maɲ nu mɔmɔ-akorogɛbo gɛdɛ. Mɛ laa wɔra bundiayɛ asa, ne Wurubuaarɛ ilaa gbaa i maɲ fɛ mɔmɔ-giso. ³ Mɛ laa wɔra asa abono mɛ maɲ bii gɛsu, ne mɛ maɲ su asa so. Mɛ laa nyida asa, ne mɛ laa wɔra nbirisi de gɛradama asa. Mɛ laa kyo ilaa dɛnsɛ. ⁴ Mɛ laa wɔra abono mɛ kya fɛ asa. Mɛ maɲ sa gɛwɔnsa pɛi de mɛ' lɔɔ wɔra ilaa. Mɛ laa diirɛ mɔmɔ-nyoro. Mɛ laa laarɛ ɔkon gigyi de mɛ' taa Wurubuaarɛ yɛgɛ. ⁵ Mɛ kya wɔra fɛɛ mɛ kya son Wurubuaarɛ, yɛgɛ mɛ kine Wurubuaarɛ ɔlon ɔbono ɔ kya yɛgɛ asa mɛ' taalɛ wɔra mɔ-gɛlaarɛ mɔ. Fo berɛ, gɛɲ sa fo' saarɛ gɛnen asa abono ɔnan dɔ.

⁶ Mɔmɔ ako ne n gyɛ asa abono mɛ kya kyu gɛnɔ ɔkon kpaa loo asa nten dɔ penɛ akyii abono mɛ mɛɲ kya sa gɛwɔnsa kpe gɛta mɔ. Gɛnen akyii abono mɛ kya nyɛ penɛ gɛnen mɔ ilaa nyɛnyɛn i dɛ fɛɛ gɛsola. Anyamesɛ-lɛɛ ɔbole gɛlaarɛ ilaa kpɛi-kpɛi ne n gyi mɔmɔ-amu. ⁷ Owi kamaasɛ dɔ mɔ, gɛnen akyii abono mɛ kpɛ ma-a kasɛ ilaa kpɛi-kpɛi; mɛɲ kii ma-a bii gɛsintin ɔkpa mɔ kpa-a. ⁸ Gɛnɔ ɔkon awura adɛ mɛ kya sɔɔ akyɔɔlɛ de abono mɛ kya tɔgɛ gɛsintin mɔ, fɛɛ gɛnɔɔbono Gyanɛsɛ de Gyanberɛsi mɛ naa kyena sɔɔ akyɔɔlɛ de Mosisi mɔ. Gɛnɔ ɔkon awura adɛ amu a nyida. Mɛ fuɛ Yesu

ɔkpa, mɛŋ kya sɔɔ mɔ gyi gɛsintin ɔkpa so. ⁹ Mɔmɔ-asa gipenɛ gidɛ gi maŋ kperɛ mɔmɔ gɛtɛɛko. I laa lii gɛwi yɛɛ mɛ mɛŋ nyi ɔlaako, fɛɛ gɛnɔɔbono Gyanesɛ mɔ-rɛ Gyanberɛsi-lɛɛ mɔ i naa kyena lii gɛwi mɔ.

Fo Berɛ, Nyiile Gɛsintin ɔkpa Mɔ

¹⁰ Fo berɛ, fo kasɛ me-ilaa wɔrasɛ de me-ilaa nyiileɛ. Ibono i gyan me-ansi so yɛɛ nan wɔra mɔ, imɔ kee ne n gyan fo-ansi so. Gɛnɔɔbono n kya ka gyan Wura Yesu so mɔ, de gɛnɔɔbono n kya nyɛ gisen mɔ, de gɛnɔɔbono n kya laarɛ Wura Yesu mɔ-rɛ Wurubuaarɛ de anyamesɛ ilaa mɔ, fo kee fo ti kasɛ imɔ pɛwu. Fo nyi gɛnɔɔbono ilaa i kya tu me ne n' kya nyɛ gisen kpaalɛ lii mɔ. ¹¹ Fo nyi gɛnɔɔbono asa mɛ ka me-ansi ne mɛ wɔra me awɔɔfɔɔ Antiyoki, Ikoniyon, de Lisitera isowolɛ so mɔ. Wura Yesu, mɔ, gi mɔlɛgɛ me lii imɔ pɛwu dɔ. ¹² Isa kamaasɛ ɔbono ɔ kya laarɛ ɔ' wɔra Wurubuaarɛ gɛlaarɛ mɔ-gɛkyena dɔ kyu naa de Kirisito Yesu so mɔ, asa mɛ laa ka mɔ-ansi. ¹³ Ilaa nyɛnyɛn awura abono mɛ kya kyu mɔmɔ-nyoro kyu wɔra Wurubuaarɛ asonbo gikpen dɔ mɛ kya penɛ asa mɔ berɛ, mɛ laa kpɛ mɛ kya wɔra ilaa nyɛnyɛn mɛ kya too daa. Gɛnɔɔbono mɛ kya penɛ asa mɔ, gɛnen ne i kya penɛ mɔmɔ gbaa-gbaa kee ne.

¹⁴ Fo berɛ, kpɛ keda daa ilaa ibono fo kasɛ ne fo nyi fɔgisen dɔ yɛɛ i gyɛ gɛsintin mɔ. Fo nyi asa abono mɛ nyiile fo gɛnen ilaa ibono mɔ ɔnan. ¹⁵ Lii ko-o fo-nbii dɔ mɔ, fo ti bii ɔwolɛ ɔbono Wurubuaarɛ gi yɛgɛ mɛ ŋmarasɛ yela mɔ. ɔwolɛ mɔ agyɛbi a kya yɛgɛ fo kya bii ɔlaako de fo' nyɛ Wurubuaarɛ amɔlɛgɛ de fo' nyɛ mɔ asɛ gɛkyena. Gɛnen amɔlɛgɛ mɔ a kya naa daa de aye-gikagyan gibono a kya ka gyan Kirisito Yesu so mɔ. ¹⁶ Ilaa kamaasɛ ibono mɛ ŋmarasɛ wɔra Wurubuaarɛ agyɛbi ɔwolɛ dɔ mɔ, Wurubuaarɛ Oduduu mɔ ne n bara

imɔ. Gɛnɛn agyɛbi mɔ a kya kpaɔ nyamesɛ. A kya nyiile nyamesɛ ilaa. A kya lɛɛ nyamesɛ lii ilaa nyɛnyɛn giwɔra dɔ. A kya lɔrɔ nyamesɛ ne a kya bela nyamesɛ de ɔ' nyɛ naa Wurubuaarɛ gɛsintin ɔkpa mɔ so. ¹⁷ Wurubuaarɛ agyɛbi mɔ a kya lɔrɔ Wurubuaarɛ sonbo ɔkpa kamaasɛ so de ɔ' nyɛ taalɛ wɔra ilaa dɛnsɛ kamaasɛ.

4

Tɔgɛ Wurubuaarɛ Agyɛbi Mɔ Sa Asa

¹ Kirisito Yesu laa kii ba gɛsinkpan so, ɔ laa baa gyi gɛwura, ne ɔ laa gyi anyamesɛ nbɛlɛ, abono mɛ ti wu' de abono mɛ san mɛ tɛ de ansi mɔ pɛwu. Imɔso Wurubuaarɛ mɔ-rɛ Yesu mɛ yeɛ mɛ kerɛ me faa, n kya ka mi-i sa fo yɛɛ: ² lɛɛ Wurubuaarɛ agyɛbi mɔ tɔgɛ de asa mɛ' nu. I gyɛ aberɛ dɛnsɛ dɔ daa-o; iŋ gyɛ aberɛ dɛnsɛ daa-o, fo berɛ, pɛɛrɛ ansi tɔgɛ amɔ sa asa. Gya mɔmɔ lii ilaa nyɛnyɛn giwɔra dɔ. Ka mɔmɔ de mɛ' wɔra idɛnsɛ de fo' tɔgɛ wɔra mɔmɔ. Fo kya wɔra gɛnɛn pɛwu mɔ, kpɛ fi-i nyɛ gisen fo kya nyiile mɔmɔ Wurubuaarɛ agyɛbi mɔ ilaa dɔɔdan. ³ I lii fɛɛ i laa baa fo owi ɔko mɔ, asa mɛ maŋ kyule nu gɛsintin ilaa nyiilesɛ mɔ. Mɛ laa kpandɛ anyiilebo sakyɔ baa mili mɔmɔ-nyoro yɛɛ anyiilebo mɔ mɛ' nyiile mɔmɔ ilaa ibono i bo mɔmɔ ɔbole ne imɔ ne mɛ kya laarɛ de mɛ' nu mɔ. ⁴ Mɛ laa kine ilaa ibono i gyɛ gɛsintin mɔ de mɛ' san selɛ mɛ gya daa abon itarɛ ginu. ⁵ Fo berɛ, bii fo-nyoro akedabi owi kamaasɛ dɔ. ɔlaawusɛ gi tu fo Yesu gɛsun mɔ dɔ mɔ, nyɛ gisen de fo' keda fo-nyoro. Lɛɛ Yesu ɔkalan konkonsɛ mɔ tɔgɛ sa abono mɛŋ ti sɔɔ mɔ gyi mɔ de fo' wɔra Wurubuaarɛ gɛsun gɛbono o kyu wɔra fo-abaa dɔ mɔ pɛwu kpaɔ logɛ.

⁶ Me berɛ, me-nkɛ nbono gi san de n' lii gɛsinkpan so mɔ gi loo ta. Me-nkpa gi wɔra fɛɛ nta ne n' dɛ mi-i

worogɛ Wurubuaarɛ. ⁷ Nɛ keda Yesu gɛsun mɔ dɔ fɛɛ iko ne i gyɛ. Nɛ kɔ kpaa wu imɔ-ɔkara. Nɛ wɔra gɛsun mɔ kpaa logɛ fɛɛ ɔnangya ne nɛ seɛ kpaa wu mɔ-ɔkara. Gɛnɔɔbono nɛ ka gyan Yesu so mɔ, nɛ ka gyan mɔ so gɛnen kpaa logɛ. ⁸ I san daa yɛɛ n' nyɛ me-ntɛɛla nbono ɔ laa kyu tɛɛla abono o kyu yɛɛ mɔmɔ-asen dɔ i boran sa mɔ mɔ. Gɛnen nɛɛla nbono gi dɛ gi gyoo me Wurubuaarɛ dɔ. Aye-Wura Yesu ɔbono ɔ laa gyi anyamesɛ pɛwu nbɛɛ gɛsintin ɔkpa so gɛkaako mɔ laa kyu gɛnen nɛɛla nbono tɛɛla me gɛnen gɛkaabono. I mɛɣ gyɛ me-wolɛ ne nan nyɛ nɛɛla nbono. ɔ laa tɛɛla asa abono pɛwu i kya da mɔmɔ kpa-kpa yɛɛ o' kii ba gɛsinkpan so belɛn mɔ.

Gika Laalaalogɛɛ

⁹ Wɔra aniya de fo' baa laa me belɛn. ¹⁰ Deemasɛ gi san ɔ kya laarɛ daa gɛsinkpan gɛdɛ gɛkyena dɔ ilaa so mɔ, ɔ taa me yɛgɛ kyon kpe Tɛsalonika. Kirɛsɛnɛ gi kyon Galati, ne Taatusi, mɔ, gi kyon Damatiya. ¹¹ Luka mɔnkɔn ne n san me asɛ gɛrɛ. Fo laa ba mɔ, laarɛ Maako gɛtɛn de fo-rɛ mɔ fɛ' ba. ɔ kya taalɛ kpaa me Yesu gɛsun mɔ dɔ. ¹² Nɛ sun Tikakusɛ yɛɛ o' kpe Efiso. ¹³ Fo laa ba mɔ, kyu me soso-lɛɛ gɛgbɛ gɛbono nɛ taa yɛgɛ Tirowasɛ ɔsowolɛ so Kaapusɛ asɛ mɔ bara me. Kyu me-iwolɛ mɔ kee bara me, titirigu mɔ, nbuɛ iwolɛ-lɛɛ mɔ.

¹⁴ Alɛsanda ɔbono ɔ gyɛ ɔbelɛbo mɔ gi wɔra me ilaa nyɛnyɛn kpɛi-kpɛi gikyɔ. Wura Yesu laa ka mɔ ilaa ibono ɔ wɔra me mɔ giko. ¹⁵ Fo kee, kerɛ fo-nyoro so dɔɔdan de mɔ. I lii fɛɛ ɔ tansi ɔ kya kyo Yesu ɔkalan ɔbono a kya tɔgɛ a kya sa asa mɔ.

¹⁶ Owi ɔbono asa ako mɛ daa gikpɛrɛ me abelɛnsɛ ansi dɔ mɔ, ɔko-rɛ ɔko mɛɣ yelɛ me-gɛmara. ɔkamaasɛ gi yaasɛ wor-r taa me yɛgɛ. Wurubuaarɛ o' kyu abono

mε sele yεγε me gεnen mω ilaa nyenyen kyεε mωmω.

¹⁷ Owi ωbono mε yaase yεγε me mω, Wura Yesu bere mεη yεγε me; ω yeλε me-gεmara. Ω sa me ωlon ne nε taalε lεε mω-ωkalan mω pεwu toge sa asa abono mε mεη nyi Wurubuaare agyεbi mω, ne mωmω pεwu mε nyε nu. Gεnen aberε abono dω mω, ω mωλεγε me lii lεwu dω.

¹⁸ Gεnen kee ne ω laa mωλεγε me lii ilaa nyenyen kamaase ibono i laa tu me mω dω ne. Ω laa kyu me kpe mω ase Wurubuaare dω gimu nkpa de alanfiya de n' kyena mω ase nfono ω kya gyi gεwura mω. Nyisigyι ω' wōra mω-lεε gεkpaa-gεkpaa! I' ba gεnen.

¹⁹ Faala Pιrisila de Akuila de Onεsiforo mω-rε mω-gεten' dω awura sa me. ²⁰ Irasituse gi sii kyena Korinti ωsowole so. Tirofimuse bere, nε koso taa mω yεγε Mileto ωsowole so mω, ω kya lω. ²¹ Wōra aniya de fo' ba pεi de awo aberε a' lωω fo. Yubuluse kya faala fo. Gεnen kee ne Pudensi, Laanuse, Kelωodiya, de aye-nanboana abono aye-rε mωmω a bo Yesu asonbo gikpen mω dω gere mω pεwu mε kya faala fo.

²² Fo-rε Wura Yesu fε' kyena, de fo-oduduu dω ilaa i' wōra ωdan sa fo. Wurubuaare ω' sa fεye so gεwōnsa dεnsε.

ḠḠḠḠ ḠḠḠḠḠḠ, ḠḠḠḠḠ ḠḠḠḠḠḠḠ ḠḠ ḠḠḠḠ ḠḠḠḠḠ
AnyamesḠ ḠḠ ḠḠḠḠ ḠḠḠḠ

The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 30 Nov
2021

4cc402b4-139a-5f33-9af9-fbf62307f663